

四庫全書

集部

欽定四庫全書

集部

元詩選初集卷三十四

詳校官中書臣王鵬

主事銜臣徐以坤覆勘

總校官編修臣王燕緒

校對官檢討臣溫常綬

謄錄監生臣周勲

欽定四庫全書

元詩選初集卷三十四

庶吉士顧嗣立編

薩經歷都拉

薩都拉字天錫別號直齋本達實曼氏祖父以  
勲留鎮雲代遂為鴈門人薩都拉者猶漢言濟  
善也弱冠登泰定丁卯進士第應奉翰林文字  
出為燕南經歷擢御史於南臺以彈劾權貴左  
遷鎮江錄事歷聞海廉訪司知事進河北廉訪

經歷尚書千文傳序其詩曰天錫陟官閫憲幕  
往還吳中出所作鴈門集見示其豪放若天風  
海濤魚龍出沒險勁如秦華雲間蒼翠孤聳其  
剛健清麗則如淮陰出師百戰不折而洛神凌  
波春花霽月之嫵媚也明成化間吳人張習企  
翺書其刻集後曰元詩之盛倡自遺山而趙子  
昂袁伯長輩附和之繼而虞楊范揭者出號為  
大家間有奇才天授開闔變怪莫可測度以駭

人之視聽者初則貫雲石馮子振陳剛中後則  
楊廉夫而薩天錫亦其人也觀天錫燕姬曲過  
嘉興織錦圖等篇婉而麗切而暢雖雲石廉夫  
莫能道他如贈劉雲江越臺懷古題爛柯山石  
橋諸律又和雅典重置諸松雪道園之間孰可  
疑異要而論之有元之興西北子弟盡為橫經  
涵養既深異才並出雲石海涯馬伯庸以綺麗  
清新之派振起於前而天錫繼之清而不佻麗

而不緝真能于袁趙虞楊之外別開生面者也

于是雅正卿達兼善過易之余廷心諸人各逞

才華標奇競秀亦可謂極一時之盛者歟

徐興公曰

薩天錫集成化己丑宛州守闕中趙蘭刻於郡齋得之仁和沈文進家藏舊本弘治癸亥東昌

守鴈門李舉又刻之今二本互有異同並傳於世一題曰鴈門集一題曰薩天錫集云然鴈門

集所載如車簇簇行一首元文類作馬祖常今見祖常石田集中凌波曲一首元音作無名氏

乾坤清氣作李泚之舞娘脫鞵吟歐陽元功有和李泚之韻當不誤也又如明日城東看杏花

一首見虞伯生在朝葉歲云莫矣三章二本並載而偶武孟乾坤清氣作張仲舉武孟元末人

必有所見今悉為改正他如次韻送虞先生入蜀一首亦見石田集而諸選本俱作天錫山中懷友及和吳贊府齋中十咏見黃晉卿集而胡元瑞詩藪所稱天錫詩有故廬南雪下短褐北風前之句徐興公序亦引及此語似各有所據未可盡以為誤也至如盧希韓之半振薩集出於後人擬拾之餘所當亟為改正凌波曲鶴骨笛之誤入龍子高此在元音本屬無名氏而潘曹選本失於考較牽連而誤及之耳今又按之列朝詩集稱慶元方氏盛時招延天下文士天錫與林彬朱右輩皆往依焉今其集中並無浙東往還之作又于壽道鴈門集序謂有七言律巧題百首今亦不存乃知昔人卷帙散逸已多補綴蒐羅更有混淆錯出之弊故畧因所見而釐正之

鼎湖哀

荆門一日雷電飛平地豎起天王旗翠華搖搖照江漢  
八表響應風雲隨十乘萬騎到闕下京師亦覩龍鳳姿  
三軍卵破虎北口一矢血洗潼關屍五年宴然草不動  
百穀穰稔風雨時修文偃武法古道天闊萬丈奎光垂  
年年北狩循典禮所有雨露天恩施官官留守掃禁闕  
日望照夜隨金羈西風忽湧鼎湖浪天下草木生號悲  
吾王騎龍上天去地下赤子將安依吾皇想亦有遺詔



國有社稷燕太師太師既受生死託始終肝膽天地知  
漢家一線繫九鼎安肯半路生狐疑孤兒寡婦前日事

況復將軍親見之

此詩為文宗晏駕時作也文宗之立也燕鐵木兒有力焉文宗崩燕鐵木

兒請立皇子燕帖古思皇后不可乃立明宗幼子廊王

一月殂后命迎明宗長子妥懽貼睦爾於靜江至京師

久不得立燕鐵木兒死后乃與大臣定議立之是為順

帝天錫有威武曲一首云桓桓燕將軍威武天下亦

面注丹砂虬髯如插戟當年意氣何鷹揚手扶天子登

龍牀五年垂拱如堯湯白日騎龍昇上蒼桓桓燕將軍

威武何可量熹微日色出東方早令一出照八方母使

三月人皇皇母使三月人皇皇觀此及紀事一詩得古

人詩史

之意矣

白翎雀

淒淒幽雀雙白翎飛飛只傍烏桓城平沙無樹巢弗營  
雌雄為樂相和鳴君不見舊日輕盈舞紫燕鴛鴦鎖老  
昭陽殿風喧芍藥春可憐露冷芙蓉秋莫怨

燕姬曲

一作楊花曲

燕京女兒十六七顏如花紅眼如漆蘭香滿路馬塵飛

翠袖籠鞭嬌欲滴春風淡蕩搖春心錦

銀一作

箏銀

一作華

燭高堂深繡衾不暖錦鴛夢紫簾垂露

一作紫煙紅露

天沈沈

芳年誰惜去如水春困著人倦梳洗夜來小雨潤天街  
滿院楊花飛不起

吳姬曲

皎皎紅羅幕高高碧雲樓娟娟一美人炯炯露雙眸郎  
居柳浦頭妾住鶴沙尾好風吹花來同泛春江水

洞房曲和劉致中員外作

峭寒暗襲雲藍綺皎皎帳悵悵夜如水美人骨醉紅玉軟  
滿眼春酣不收起幽禽闌闌喚霜曙金壁屠蘇溢香霧

有生只合老溫柔壁月長教挂瑤樹鴛鴦同心暗中結  
滿意芳蘭暖紅雪癡雲駁雨自年年不管人間有離別

江南樂

江南樂春水紅橋滿城郭出門不用金馬絡門前畫一作

花

船如畫閣綠紗虛窻春霧薄

一作鎖春樹

隔窻蛾眉秋水

活翡翠冠高羅袖闊楚舞吳歌勸郎酌紫竹瑤絲相間  
作船頭柳花如雪落船尾彩旗風綽綽秉燭夜遊隨處

泊一作足人生無如江南樂

江南怨

江南怨生男遠遊生女賤十三畫得蛾眉成十五新妝  
識郎面識郎一面思猶淺千金買官遊不轉儂

一作家郎

水田跨州縣大船小船過淮甸買官未得不肯歸不惜

韶華去如箭楊花撲簷

一作飛語

一作燕疎

雨梧桐閉

深院人生無如江南怨

漢宮早春曲

女夷鼓吹招搖東羲和馭日騎蒼龍金環寶勝曉翠濃

梅花飛入壽陽宮  
壽陽宮中鎖香霧  
滿面春風吹不去  
鞭却靈龍駕五山  
芙蓉夜暖光闌干  
難人一唱曉星起  
四野天開春萬里

王孫曲

一作海  
棠曲

內家楚楚諸王孫  
白馬金鞍耀晴日  
尊前細樂耳厭聞  
世上閒愁生不識  
宮袍一作錦裁成五色雲  
珍珠簇就雙

龍紋衣裳光彩照  
暮春紅靴著地輕  
無塵翠樓珠箔玉

鉤挂腸斷宮

一作纖

腰無一把海棠花  
下

一作底

畫聞罵太

液池邊春洗馬千枝萬枝桃杏紅花枝飄香薰酒中歸  
來月落酒未醒有詔早入明光宮

蘭皋曲

溪水長涵幽草芳春溪露滴蘭葉光美人日莫采蘭去  
風吹露濕芙蓉裳芙蓉為裳蘭結珮玉立亭亭臨水際  
天寒袖薄人不知一作識疎雨蘭苔鳴翡翠幽蘭日日吹  
古香美人不來溪水長

新夏曲

紅泣香枯怨流水夜放箴龍十尺尾風生宮樹曉層層  
涼綠一簾收不起煙乾寶鴨白晝清祝融緩轡行且停  
薔薇花深霧冥冥碧窻睡起香滿肱

芙蓉曲

秋江渺渺芙蓉芳

一作香

秋江女兒將斷腸絳袍春淺護

雲暖翠袖日莫迎風涼

一作鯨

魚吹浪

一作風起

江波白霜

落洞庭飛木葉盪舟何處采蓮

一作花

人愛惜芙蓉好顏

色

楊鐵崖竹枝詞序稱天錫詩風流俊爽修本朝  
家範宮詞及芙蓉曲雖王建張籍無以過矣



蕊珠曲

芙蓉城裏白玉樓冰簾倒挂珊瑚鉤玉

一作美

人晏坐太

清室蛾眉不鎖人間愁彩橋東畔楊花轉飛入

一作到三

天紫清殿仙裳日暖藕絲香燕語鶯啼動幽怨天風冷

泠吹珮環霞冠不整偏雲鬟蕭郎風骨何可得紫簫赤

鳳遊雲間瑤臺

一作壇

午夜霜華瑩羅幃生寒冰一寸錦

屏甲帳蕊珠新雲房火鼎丹芽嫩天台仙子淡淡妝桃

花洞口逢劉郎巫山神女弄雲雨人去楚臺空斷腸步

虛聲斷闌干外春去秋來顏色改東風吹老碧桃花

一作

枝  
深院無人夜如海

相逢行贈別舊文治將軍

并序

予遷官出閩舟行抵興田驛二十里許俄聞擊  
鳴金鼓應響山谷間隨見旌旗導前兵卒衛後  
中有乘馬者義袍帕首徐行按轡屢目吾舟吾  
病久氣餒不能無懼心也頃之興田驛吏以行  
輿見迓遂舍舟乘輿嚮之旌旗兵卒移導輿前

馬從輿後輿行馬鳴途中未敢交一語迫莫至  
邸舍燭光之下毳袍者進曰某乃建之五夫巡  
檢官聞使君至候此將一月矣某嘗三識使君  
面自都門一別今已五載使君豈遺忘之邪僕  
驚謝曰將軍何人也荅曰某即使君舊交雲中  
也熟視久之恍如夢寐雲中復能紀余闕下事  
采時否邪歷歷關河舊遊如隔世乃對燭光夜  
道故舊明日復同遊武夷九曲煮茶酌酒臨流

賦詩出入丹崖碧嶂間心與境會天趣妙發長  
歌劇飲相與為樂酒闌興盡秋風淒淒落木雨  
下閨闕在望復作遠行予始見君而懼次得君  
而喜終會君而樂又得名山水以發揮久別抑  
鬱之懷樂甚而復別別而復悲悲復繼之以思  
也嗟夫人生聚散信如浮雲地北天南會有相  
見因賦詩復為相逢行以送之

此序屬門刻本不  
載今從別本補入

一年相逢在京口笑解吳鉤換新酒城南桃杏花正開

白面青衫鞭馬走一年相逢白下門短衣窄袖呼郎君  
朝馳燕趙暮吳楚逸氣自覺凌青雲一年相逢在闕下  
東家蹇驢日相假有如臣甫去朝天泥滑沙堤不敢打  
都門一別今五年今年相逢滄海邊千山木葉下如雨  
鴈聲墮地秋連天將軍毳袍腰羽箭擁馬旌旗照溪面  
小官不識將軍誰卧病孤舟強相見豈知此地逢故人  
摩挲老一作病眼開層雲舊遊歷歷似隔世夜雨豈不一作  
思同羣郎君別後瘦如許無乃從前作詩苦溪頭月落

山館深剪燭猶疑夢中語人生聚散亦有時且與將軍

遊武夷弓刀挂在洞前樹洞裏仙童來覓詩稽首武夷

君借我慢峰頂分我紫霞漿

一作杯

與子連夜飲左手招

子喬右手招飛瓊舉觴星月下聽吹雙鳳笙我酌一杯

酒持勸天上月勸爾長照人相逢莫向關山照離別鳳

笙換曲曲未終天風木杪吹

一作飄

晨鐘拂衣罷宴下山

一作峰

去又隔雲山千萬重

鸚鵡曲

并序

有以繡枕見貺上繡楊妃看鸚鵡高力士二宮  
女侍立皆寸許其布置得體想像可愛故作鸚

鵲曲以答云

水晶簾垂宮畫長猩色

一作  
六色

屏風圍繡牀美人春睡苦

不足夢隨飛燕遊昭陽覺來粉汗濕香臉一線柔

一作  
新

紅枕痕淺三十六宮在眼前五色香雲隨指轉牙牀端

坐楊太真雲冠霞珮絳色裙雙成小玉各

一作  
畫

宮樣繡

衣烏帽高將軍雕籠七寶挂高

一作  
宮

樹玉紫金

一作  
銀

盤

看鸚鵡可憐鸚鵡解人言

一作語

不說漁陽動鼙鼓乃知

禽語能戲人不知人語能殺身亡家敗國污天地天生

尤物天亦嗔一朝艷質化塵土可恨可憐十萬古香魂

不逐馬塵飛猶託

一作記

深閨繡房女想當盤礴欲繡時

停針想像心如絲繡成特自比容貌伏枕自喜還自悲

郎君有此從何得怪底梅花心鐵石偶然持贈百拙人

眉眶眼精生醜色

一本無上八句

少年閱此惱斷腸

一作重簾紫霧垂洞

房錦屏繡褥蘭麝香夜深酒醒換銀燭時見楊妃在耳



傍君不聞張麗華墮宮井銅雀章臺煙燼冷繁華一夢  
人不知萬事邯鄲呂公枕

北風行

一作歌

送王君實

一本有并寄憲副順子昌七字

北風日日吹浮雲西南一星光射門出門見客箱口坐

打馬送君收淚痕

一作吞

箱口祇自知吞淚竟何益木葉

下玄霜日日北風急北風吹淺淮水

一作南

波坐見白日

愁

一作浮

雲多九關虎豹卧不動奈爾狐狸燕雀何

鬻女謠

楊州嫋嫋紅樓女玉筍銀箏響風雨繡衣貂帽白面郎  
七寶雕籠呼翠羽冷官做兀蘇興黃提筆鼓吻趨文場  
平生睥睨紈袴習不入歌舞春風鄉道逢鬻女棄如土  
慘澹悲風起天宇荒邨白日逢野狐破屋黃昏聞嘯鬼  
閉門愛惜冰雪膚春風繡出花六銖人誇顏色重金璧  
今日飢餓號長途悲號淚盡黃河乾縣官縣官何爾顏  
金帶紫衣郡太守醉飽不問民食艱傳聞關陝尤可憂  
旱荒不獨東南州枯魚吐沫澤鴈叫嗷嗷待食何時休

漢宮有女出天然青鳥飛下神書傳芙蓉帳暖春雲曉  
玉樓梳洗銀魚懸承恩又上紫雲車那知鬻女長歎歔  
願逢昭代民富腴兒童拍手歌康衢

練湖曲

練湖七月涼雨通白水蕩蕩芙蓉紅芙蓉紅盡早霜下  
鴛鴦飛去何思思萬塘女兒弄輕碧鳴榔聲斷無消息  
清波小藻出銀魚落日吳山秋欲滴望湖樓上雲茫茫  
鳥飛不盡青天長丹陽使者坐白日小吏開麗宮酒香

倚闌半醉風吹醒萬頃湖光落天影挂冠何日老江南  
短褐綸巾上漁艇

終南進士行和李五峰題馬麟畫鍾馗圖

老日無光霹靂死玉殿咻咻叫陰鬼赤脚行天踏龍尾  
偷得紅蓮出秋水終南進士髮指冠綠袍束帶烏靴寬  
赤口淋漓吞鬼肝銅聲剝剝秋風酸大鬼跳梁小鬼哭  
豬龍飢嚼黃金屋至今怒氣猶未消髯戟參差努雙目

桃源行題趙仲穆畫

長城遠築阿房起黔首驅除若螻蟻誰知別有小乾坤  
藏在桃花白雲裏桃花重重間白雲洞門鎖住千年春  
男耕女織作生業版籍不是秦家民桑麻雞犬邨邨屋  
流水門牆映花竹無端漁父綠蓑衣帶得黃塵入幽谷  
主人迎客坐茅堂共話山中日月長但見花開又花落  
豈知世上誰興亡明朝漁父歸城市回首雲山若千里  
再來何處覓仙蹤恨滿桃花一溪水

鞦韆謠

寒梅零落春雪灑蕭娘腰瘦無一把淡黃楊柳未成陰  
何人已繫青驄馬畫樓深處迎春歸鞦韆影裏紅杏肥  
濛濛花氣濕人面東風吹冷輕羅衣衣上粉珠流不歇  
暗解翠裙花下摺殷勤莫遣燕子知會向人間報風月

早發黃河即事

晨發

一作牽

大河上曙色滿船頭依依樹林出慘慘煙霧

收邨墟雜雞犬門巷出羊牛炊煙遶

一作動

茆屋秋稻上

隴丘嘗新未及試官租急徵收

一作求

兩河水平堤夜有

盜賊憂長安里中兒生長不識愁朝馳五花馬莫脫千

金裘鬪雞五坊市酣歌醉

一作最

高樓繡被夜中酒玉人

坐更籌豈知農家子力穡望有秋短褐常不完糲食常

不周醜婦有子女鳴機事耕疇上以充國稅下以祀松

楸去年築河防驅夫如驅囚人家廢耕織嗷嗷齊東州

飢餓半欲死驅之長河流河源天上來趨下性所由古

人有善備鄙夫無良謀我歌兩河

一作岸

曲庶達公與侯

淒風振枯槁短髮涼颼颼

過池陽

一有  
有字

懷

一有  
唐字

李翰林

卷三十四

我思李太白有如雲中龍垂光紫皇案御筆生青紅羣  
臣不敢視射目目盡盲脫靴手污鞮蹴踏將軍雄沈香  
走白兔玉環失顏容春風不成雨殿閣懸妖虹長嘯拂  
紫髯手撫青芙蓉挂席天一作萬里遨遊江之東濯足

五湖水脫

一作  
挂

巾九華峯放舟玉鏡潭弄月秋浦中羈

懷正浩蕩行樂未及終白石爛齒齒貂裘淚濛濛神光

走霹靂水底鞭雷公采石波浪急

一作  
惡

青山雲霧重我



有一盃

一作斗

酒和淚灑天風

宿臺城山

一作臺山寺

絕頂

江白潮已來山黑月未出樹杪一燈明雲間

一作房

人獨

宿近水星動搖河漢下垂屋四月夜深寒繁露在修竹

送吳寅可

一作甫

之揚州

青楊吹白花銀魚跳碧藻落日江船上

一作上江船

三

一作二

月淮南道渺渺春水涯悠悠雲樹杪安得快剪刀江頭

翦芳草

題焦山方丈

一有壁字

江風入霜林寒葉下疎雨蕭蕭復蕭蕭可聽不可數山僧亦好奇呼童掃行路何處覓秋聲肩輿入山去

寄朱舜咨王伯循了即休五首

并序

元統二年秋八月僕與淮東憲副朱舜咨廣東僉憲王伯循會於瓜洲江風山月亭上過金山

登妙高峯

一作臺

飲酒賦詩京口鶴林寺僧了即

休風雨渡江贈別少年游詞既而即休辭去舜

咨伯循留廣陵僕獨涉淮過河北人生聚散信  
如雲萍屈指歲餘舊遊如夢向日舜咨有雨過  
江色淨五字天趣妙發未克竟篇茲以一字為

一韻賦詩寄上舜咨伯循二前輩鶴林主者了上人

木落淮南秋蘭橈泊瓜

江一作渚

把酒三人同江亭看飛

雨雨過江色淨妙景發天趣歷歷江南山一一青可數  
大江湧金山穩若青蓮座山下有龍宮見水不敢唾江  
山萬古同日月片帆過把酒妙高臺狂歌醉相和

飄飄鶴林僧布靴青鞵雙長江飛錫

一作鉢

渡海磬

一作碧海

魚龍撞

一作懂

遠來作偈別楚雨鳴秋窻振錫獨歸去天

花飛滿江

微茫揚子橋細雨濕秋色小艇載吳姬搖搖語相接風

起布帆高一往不再

一作可

得夜宿廣陵城吹簫怨

一作照

明月

霜高木葉空江清水花淨離懷江水深楚女晚妝靚按  
拍聽歌聲點筇行酒令白露滿衣裳迴野垂斗柄

度閩關二首

曉度分水嶺身在雲霧中手扣

一作如

天上關

一作門

聲落

山下風雷霆走澗壑神人過虛空既訝奔豐隆亦可招  
祝融頃刻開萬象赤鳥飛嶺東

白雲下千峯盡入

一作日

懷袖裏振衣度閩關灑作山下

水仰登天無

一作有

梯俯視井無底古來守關人豪傑存

有幾

一云盡作山下鬼

寒食百草青春風吹不起

過嶺

一作度嶺興

至崇安方

一無方字

命棹之

一無之字

建溪

人生天地間馳馬歷大塊行樂須及時流光逝難再役

役功名羈

一作徒

歷歷山水邁偉哉東南區奇險閩粵最

車書四海同風氣一嶺界肩輿度層霄

一作雲

手棹下急

瀨四山抱回流環合如束帶玉井蓮葉飄仰高

一作面

天

作蓋倏馳丹峯前却在紫嶺背微雲間煙霞

一作微陰間雲霧

疎雨灑松

一作杉

檜深林樵牧歸落日山鬼會雪瀑挂冰

一作水

簾林風響

一作奏

天籟石梯駕仙巖徃徃遺骨在瑤

草石上生丹藥市中

一作曹

賣巍巍考亭祠過客下祠拜

溪水自成文上接洙泗派喚渡雲門僧貌古清可愛手

把青松枝趺坐溪石罇

一作待

懸崖虹棧危插竹漁網曬

山高人蟻旋下視舟一芥輕舫

一作狂

類飛鯢宛轉亂石

隘崢嶸龍角尖礫砢

一作砢

鼇首癩槎牙

一作嗟

激頰波出

沒如水怪萬古

一作鼓

槌地雷三峽瀉澎湃峯巒爭送迎

奔走萬馬快箭過耳生風開口不暇咳峭壁起衝流恍

若巨鼇戴山

一作上

有舊題名歲久字刻壞豈無姓名存

彷彿年月載覽此前人蹤徒為後人慨天氣易寒暄光

陰

一作景

倏明晦浩蕩三日程應接千萬態會登天柱峯

一覽宇宙大少吐胸中豪神遊八方

一作荒

外題詩贈山

靈清氣留勝槩

秋日

一有病起二字

池上

顧茲林塘幽消此閒日永飄風亂萍蹤落葉散魚影天

清

一作地

曉

一作風

露涼秋深藕花冷有懷與無言獨立心

自省

過居庸關

至順癸酉歲



居庸關山蒼蒼關南暑多關北涼  
天門曉開虎豹卧石

鼓畫擊雲雷張關門鑄鐵半空倚  
古來幾多一作壯士

死草根白骨棄不收冷雨陰風哭  
一作山鬼道傍老翁

八十餘短衣白髮扶犁鋤  
路人立馬問前事猶能歷歷

言丘墟夜來艾鋤一作豆得戈鐵雨蝕風吹半  
援折一作失顏

色色消一作唯帶土花腥一作猶是將軍戰時血  
前年

又一作復鐵作門貌貅萬竈如雲屯  
生者一作有功挂

六一作印死者誰復招孤魂  
居庸關何崢嶸上天胡不

呼六丁驅之海外消一作休甲兵男耕女織天下平千古

萬古無戰爭

吳真人京館畫壁

一作和題吳閶開京館  
玉本中醉作竹石壁上

硯池

一作屏

花落丹水香步虛白日聲琅琅江南道士愛

瀟灑新粉素壁如秋霜王郎酒酣

一作後

衫袖濕醉眼朦

朧電光急玄

一作黑

龍雲重雨脚斜白兔秋高月中泣倦

遊借榻日觀東恍忽夜

一作舊

夢三湘中鷓鴣聲斷江路

遠青林

一作松

雨暗春濛濛

寒夜與王記室宴集

一作寒夜獨酌

欲雪無

一作不

雪風力強欲睡不睡寒夜長玉奴翦燭落

燕尾

一作翦落燕尾燭

銀屏煮酒浮鵝黃二君豪飲

一作三軍豪氣

不

可敵醉倒綠髮

一作鬢

參軍郎夜深大吟且就枕明朝萬

瓦看晴霜

就用韻贈鐵將軍

鄴中

一作去年

健兒筋力強豪氣不減關雲長揮戈叱咤陣

雲黑酣

一作邊

風白晝吹日黃將軍威武不可近鐵

一作錦

袍赤面黃鬚郎今年收功入將府烏靴曉踏天街霜

馬翰林寒江釣雪圖

天寒日短

一作莫

烏鴉啼江空野濶黃雲低邨南邨北人

跡斷山後山前玉樹迷歌樓酒香金帳暖豈知蓬底魚

羹飯一絲天地柳花春萬頃

一作里

煙波蓮葉晚

一作遠

風

流不數王子猷清興不減山陰舟人間富貴草頭露桐

江何處尋

一作覓

羊裘還君此畫三歎息如此江湖歸未

得洗魚煮酒

一作飯

卷孤篷江上雲山好晴

一作顏

色

楊妃病齒圖

一作華清曲  
題楊妃病齒

沈香亭北春晝長海棠睡起扶殘妝清歌妙舞一時靜

燕語鶯啼愁

一作空

斷腸朱脣半啓榴房破燕脂紅注珍

珠顆一點春寒

一作酸

入瓠犀雪色鮫綃濕香唾九華帳

裏薰蘭煙玉肱曲枕珊瑚偏金

一作玉

釵半脫翠蛾斂龍

髻天子空垂涎妾身日

一作雖

侍君王側別有閒愁許誰

測

一作閒情  
向誰說

斷腸塞上錦裯兒萬恨千愁言不得成都

遙進新荔枝金盤紫鳳

一作露

甘如飴紅塵一騎不成笑

病中風味心自知君不聞延秋門

一作華清宮

一齒作楚藏

病根又不聞馬嵬坡一身滅血未足多漁陽指

一作日

鼙鼓動始覺開元天下痛雲臺不見漢功臣三十六牙

何足用明眸皓齒今已矣風流何處三郎李

織女圖

一作題壽監司所藏美人織錦圖

蘭閨

一作卷中

織錦秦川女大姬啞啞弄機杼小姬織倦何

所思簾幕無人燕雙語成都花發江水春門前馬嘶車

辚辚髻鬟

一作雲

兩珥看欲墮蛾眉八字畫不伸良

一作行

人一去無消息冰蠶吐絲成五色柔腸九曲細於絲萬

縷春愁正如織綺窗睡起聞早鶯西樓月落金盤

一作盆

傾暖霞拂地海棠曉香雪潑戶梨花晴日長深

一作春院

機聲動梭影穿花飛小鳳水心鶯起鴛鴦飛

一作樓花底

不成胡蝶夢纖纖玉指柔且和香鉤小鞦韆裁春羅滿懷

心事付流水盪日

一作日

雲錦生層波

一作青波

佳人自古

多命薄風裏楊花隨處落處豈知醜婦嫁田家生則同衾

死同椁君不聞長安市上

一作城中

花滿枝東家胡蝶西家

飛籠中鸚鵡喚新主門外

一作裏

侍兒更故衣又不聞田

家婦日掃春蠶宵織布催租縣吏夜打門荆釵布裙夫

短袴我題此畫

一作卷

三嗟

一作嘆

吁百年醜好皆

一作俱虛

無排雲便欲叫閭闔為我獻上幽風圖

題陳所翁

一有龍墨字

畫龍天下稱所翁禿筆光照

一作射

驪珠宮長廊白日走

雲氣大厦六月生寒風興來一飲酒一石手提玄兔追

一作

霹靂漲天煙霧晴不收頭角崢嶸出牆壁全形具



體得者稀今日海邊親見之滿堂火

一作光

陂動鱗甲倒

挾

一作披

海水空中飛凌風直上九天去天下蒼生望甘

一作霖

雨太平天子居九重黍稷穰穰千萬古

登樂陵臺倚梧桐望月有懷南臺李御史藝七夕

後一日也

涼風吹墮

一作動

梧桐葉瀉下泠泠露華白樂陵臺上悄

無人獨倚梧桐看明

一作秋

月月高當午桐陰

一作影

直不

覺衣沾露華濕此時却憶在金陵

一作金陵人

酒醒江樓聽

吹笛

送陳衡之之金陵

一作送人之金陵

買舟上遡金陵道

一作陳郎買舟上金陵

寒江水落波

一作風

浪小

片帆遙挂蔣山青空城漸覺

一作畫角

秦淮曉白門美酒滿

城春

一作美酒香滿城

吳姬喚客客不行樓中子弟皆

一作盡

年

少玉奴送

一作行

酒吹鸞笙陳郎不聽黃金縷朝之

一作走

東吳莫西

一作走

楚半生落魄一布袍感慨長歌弔千古

六朝遺蹟生暮煙故宮衰草埋花磚

一作故家荒塚迷花鈿

鳳凰

臺上醉李白何人知子囊無錢

送王伯循御史

一作送君卿伯循二御史

赴廣東僉憲時僕將

回燕京

一作僕在燕南

沙頭酒盡

一作熟

惜別離江波日色浮繡衣清溪柳花

一作

鷺鷥

白蕩蕩白下柳樹

一作楊柳

青依依秋雲雙驄嶺表去明

月一鴈燕南飛曲江水發

一作有酒

願相憶莫遣鯉魚音信

稀

一本編八律詩

江上聞笛

江上何人吹竹

一作玉

笛水淺

一作冷

沙寒龍夜泣鮫人水

底織冰綃灑淚成珠露華濕

一作灑珠明月高

銀河耿耿波

一作淡漢月

茫茫鴈奴打更沙溆傍更深繡被夜寒重明月

梅花滿地霜

### 登歌風臺

歌風臺前

一作下

河水黃歌風臺前

一作上

春草碧黃河之

水日夜流碧草年年自春色當時漢祖為帝王龍泉三

尺飛秋霜五年馬上得天下富貴樂在歸故鄉里中父

一作  
故

老爭拜跪拄杖

一作  
布鞵

麻屨見天子龍顏自喜還自

傷一半隨龍半為鬼翻思向日亭長時一身捧

一作  
侍

檄

日夜馳只今宇宙極四海一榻之外難撐持却思猛士

衛神宇安得長年在鄉土可憐創業垂統君却使乾機

付諸呂淮陰年少韓將軍金戈鐵馬立戰勲藏弓烹犬

一作  
狗

太急迫解衣推食何殷勤倒使英雄

一作  
今英雄

遭婦

手血濺紅裙當斬

一作  
急追

首蕭何下獄子房歸左右功臣

皆寧肘還鄉却賦大風歌向來老將今無多咸陽宮殿

一作眼親一作見今日一作見荆棘埋銅駝臺前老人淚

如雨為言不特一作獨漢高祖古來此事無不然稍稍昇

平忘險阻荒涼古廟依高臺一本此句止作歌風臺三字前人已矣

今人哀悲歌感慨下臺去斷碑春雨生莓苔

過魯港驛和貫酸齋題壁

吳姬水調新腔改馬上郎君好風采玉郎一作玉孫一去春

草深漫有狂名滿江海歌詩呼酒江上亭墨花飛雨江

不晴江風吹破蛾眉月我亦東南西北征一作東西南客

過淮河有感

淮水清河水黃出山

一作門

偶爾同異鄉排空卷雪勢莫

當

一作卷雪  
若飛電

隨風逐浪庸何傷東流入海殊不惡萬里

同行有清濁

高郵阻風

離家十日得順水不卸蒲帆一千里忽然今日風打頭  
寸波寸水逆上流小兒造物不可測昨日南風今日北  
黃郎束手蓬下眠盡日間看順水船順船得勢如馬走

相望招呼不回首長風破浪我亦曾順逆偶爾非人能  
清明遊鶴林寺

青青楊柳啼乳鴉滿山爛開紅白花小橋流水過古寺  
竹籬茅舍通人家潮聲卷浪落松頂騎鶴少年酒初醒  
若將何物賞清明且伴山僧煮新茗

揚帆松江甚駛西望吳諸山快而有作

秋風秋水清浮波片帆送舟如擲梭篙師絕叫鳬鴈起  
但見流沫翔盤渦汀蘆雪舞花婆婆綠淨已消菱與荷



青山蹀躞奔青驪，倏忽過眼千羣多。  
放情盍買鱸鄉鱸，侑以蒲酌金巨羅。  
醉拍銅斗踏浪歌，江行之樂其如何。  
中秋前二夜步至吳江垂虹橋盥漱湖渚而歸倚  
篷望月清興翛然因成數語

萬頃太湖風浪靜，玻璃倒浸虹蜺影。  
灤灤露滴金波流，一筇獨立秋雲冷。  
步回長嘯倚篷窻，月華正在青霄頂。  
過嘉興

三山雲海幾千里，十幅蒲帆挂煙秋。  
一作水吳中過客莫

一作不

思家江南畫船如屋裏蘆芽短短穿碧沙船頭鯉

魚吹浪花吳姬盪槳入城去細雨小寒生綠紗我歌水

調無人續江上月涼吹紫竹春風一曲鷓鴣吟

一作詞

花

落鸞啼滿城綠

### 皂林道中

春溪野鴨肥可射幽樹陰深

一作深陰

叫山鷓鴣遠人三月酒

船歸

一作過

柳絮飛時杏花謝行行水竹與

一作上

雲林往

往人家或僧舍小官便欲賦歸來何處買山錢可借

遊吳山紫陽庵

一作偕卞敬之遊  
吳山駝峯紫陽洞

天風吹我登鰲

一作駝

峰大山小山石玲瓏赤霞日烘

一作

射紫瑪瑙白露夜滴青芙蓉飄綃

一作飄

雲起

一作氣

穿石

屋石上涼風吹紫竹挂冠何日賦歸來煮茗篝燈洞中

宿

和韻三茆山呈張伯雨外史

碧桃花落蓬萊宮銀屏甲帳圍春風冰簾卷水玉堂靜  
白露滴月銀牀空仙人夜酌九霞酒手握北斗傾尊中

梧枝落影鳳凰語幽韻彷彿臨蒼穹伐毛洗髓天地老  
火鼎夜出笑容紅呼龍洞口種瑤草採藥忽遇松間童  
茆君自騎一虎去猶聞珂珮聲丁東武華山人三載別  
綠袍赤杖蒼髯翁淮南江上復相見落日淡淡天無窮  
明朝稽首渡江去楚水清淺銀河通

走筆贈燕會

一作初  
孟

別君金陵城遇君錢塘驛落魄江湖懶折腰笑傲公卿  
但長揖柳花吹香撲酒釭酒波濫濫如春江西湖天鏡

碧墮地吳山蛾眉春入窻

虹一此下有平生豪氣如驛樓吐餘子紛紛何足數

一作亭

把酒歌別離醉聽林間鶯送曉

一作醉聽江潮鳴萬鼓

### 夜泊釣臺

雙崖屹立幾千仞下有一葉之孤舟繁星亂垂光晻晻

長藤古木風颭颭荒祠幽黑山鬼集怪石如人水邊立

錦峰繡嶺雲氣深萬壑千巖露華滴山僧對話一作語夜

未央不知風露滿衣裳喚船振錫渡江去林黑無由歸

上方高寒宇宙無人語亂石灘聲撼一作灑飛雨欲從巖

子借羊裘坐待船頭山月吐

寒夜聞角

野人卧病不得眠  
嗚嗚畫角聲淒然  
黃雲隔斷塞北月  
白鴈叫破江南煙  
山城地冷迫歲莫  
野梅雪落溪風顛  
長門美人怨春老  
新豐逆旅惜年少

一作新豐還  
惜少年好

夜深

悲壯聲搖天萬瓦  
月白霜華鮮野人  
一夜夢入塞走馬  
手提鐵節鞭髑髏  
飲酒雪一丈壯士  
起舞羶帳前五更  
夢醒氣如虎將軍  
何人知在邊

喜壽里

一作題  
喜里

客廳雪山壁圖

一年在京口雪片冬深

一作  
深冬

大如手獨騎瘦馬入誰家

四面雲山如戶

一作  
變

牖大江東去流無聲金焦二山如

水晶瓜洲江口人不渡時有蓑笠漁舟橫一年在建業

臘月梅

一作  
楊

花滿城雪

一作  
白

五更凍合石頭城霜風鼓

寒冰柱裂秦淮酒樓高十層鍾山對面如銀屏鷺洲不

見二水白天外失却三山青一年在鎮陽燕山積雪飛

太行滹沱冰合斷人跡井陘路失迷羊腸長空萬里絕

飛鳥卷地朔風吹馬倒狐裘公子獵城南茆店酒旗搖

一作樹杪今年入閩關馬蹄出沒缺萬山瘴煙一作朝

莫氣靄靄石泉日夜聲潺潺雪花半落不到地但見晴

空湧流翠海頭鼓角動邊城木末樓臺出僧寺何人蹇

驢踏軟沙出門無處不梅花江潮入市海船集水暖遊

魚不用又良工畫一作出雪色一作壁過眼令人憶南

北玉京銀闕五雲端待漏何年鳳池側

畫馬

一作題  
畫馬圖



漢水揚波洗龍骨  
房星墮地天馬出  
四蹄蹀躞若流星  
兩耳尖修如削筆  
一作竹天閑十二連青雲  
生長出入黃金門  
鼓鬃振尾恣偃仰  
食粟何以酬主恩  
豈堪碌碌同凡馬  
長鳴噴沫奚官怕  
入為君王駕鼓車  
出為將軍靜邊野  
將軍與爾同死生  
要令四海無戰爭  
千古萬古歌太平

快雪軒

吳剛粉月成瓊屑  
灑向人間沃春熟  
門外青山不得青

剗地東風翻撻末  
梨花雲濕飛難起  
曉來化作湘江水  
娟娟美人耐高寒  
對此心開幾千里  
山陰夜冷沙棠小  
歸來狂興猶孤悄  
古春吹到矮茅茨  
香浮茗枕滋詩脾

明皇擊梧圖

華清池頭涼思動  
綠桐擊去朝陽鳳  
阿環起學飛燕輕  
笑喚三郎作供奉  
羯腔打徹西涼州  
錦茵蹴踏雙鴛鉤  
彩鷺吟細朱櫻破  
一葉忽飄天下秋  
愁聲換出鐸鈴語  
三十六宮散秋雨  
曲江宮曉清露寒  
零亂瑤階逐風舞

宿因勝莊

竹院亦幽雅參禪愧未能夢回僧枕雨花落佛龕燈風  
響過牆竹窻搖挂樹藤裁詩題素壁聊爾記吾曾

過高唐

一有感  
事二字

殘雪復殘

一作  
覆碧

草淒風吹未消王孫去不返魂魄有

一作

又誰招往事皆如夢

一作如  
春夢

無人問早朝荒陵斜照裏

松柏

一作  
樹

晚蕭蕭

宿龍潭寺

一作投宿龍  
潭道林寺

倦遊借禪榻客意稍從容落日江船鼓孤燈野寺鐘竹  
雞啼過雨山白帶雲暮半夜波濤作長潭起卧龍

江館寫事

晚事人煙合歸帆帶夕陽青山到江盡白鳥去天長越  
女能淮語吳姬學楚妝棲遲未歸客猶著錦衣裳

訪石城白巖上人

一作秋日雨中登石頭  
城訪長老珪白巖不遇

石頭城上暝

一作去

紅葉雨紛紛半日不見路四山都是

雲魚龍隨水上鐘磬隔林

一作江

聞遙想

一作憶

南峰

一作莊

叟天寒補衲裙

謝龍江虛白上人雨中見過

山僧入城市歸路晚沈沈雨濕緇衣重燈明黑樹深泥  
途信行脚粥鼓急歸心應到松窻下新詩翦燭吟

用韻寄龍江

之子金山去梅天霧氣沈海風吹浪急江雨入樓深火  
盡無茶味更長過燭心明朝好晴色應是寄新吟

次王伯循御史韻

江城連日雪騎馬欲何之老樹昏鴉集寒塘落鴈遲松

窓燈下火

一作酒

竹屋夜深棊寄語王公子幽棲或可期

和權上人

一作題焦山方丈壁和僧韻

故人久不見

一作不忍別

悵望思遲留

一作野景亦相留

白鴈寒沙

月黃雲老樹秋風霜侵客鬢鼓角入邊愁滿目關河興

登臨倦倚樓

次韻郭侍御

江左風流在長懷晉謝安傳家須教子

一作愛山那厭世

畏事

即一作却

嫌官雲霧天風險一作門遠煙波世路難雄心端有

望白髮漆紗冠

秋日鍾山曉行

樓閣籠雲氣蒼茫第幾峰長林

一作風

萬松雨落日

一作月

半山鐘石磴盤空險僧廊落葉重先王

一作吾皇

曾駐蹕千

古說蟠龍

四美亭餞別時雪大作戲贈趙公子

一作龍潭送侍中田美中

攜酒十里雪作

公子青驄馬追遊一作隨十里遙風頭雲葉凍酒面雪花

消惜別遲一作頻回首何一作無因見舞腰君歸金帳暖無

限可憐宵

### 送人之浙東

我還京口去君入浙東遊風雨一作物孤舟夜關河一作山

兩鬢秋出江吳水盡接一作絕岼楚山稠明日相思處惟

登北固樓

### 病中書懷



欲向江湖

一作  
遠

去何年

一作  
時

理釣蓑城山入樓近鄰竹

過牆多春甕浮紅酒晴天

一作  
池

戲白鵝閉門且消病俗

吏莫相過

### 登山亭

上新亭好紅塵不可侵雨堦幽草合風徑落花深  
野水浮晴色平田下夕陰城中公子少日日就登臨

### 野潛堂

高隱有深意情閒直萬金溪魚鮮作鱸竹筍長成林鶴

有還巢夢雲無出岫心讀書風雨夜燈火野堂深

途次吳江別高照菴

一作送人

適意無南北相逢江海邊鄉關

一作關山

千里外風雨一燈

前呼酒吾

一作友

同醉論文子獨賢分襟在今日握手又

何年

閩中苦雨

一作苦雨水溢  
呈憲司諸公

病客如僧懶多寒擁毳裘三山一夜雨四月滿城秋海  
瘴連雲起江湖入市流釣竿如在手便可上漁舟



元詩選初集卷三十四

欽定四庫全書

元詩選初集卷三十五

庶吉士顧嗣立編

都門元日

元日都

一作端

門瑞氣新層層冠蓋

一作帶

羽林軍雲邊鵠

立千官曉天上龍飛萬國春宮殿日高騰紫靄

一作氣

簫

韶風細入青雲太平天子恩如海亦遣椒觴到小臣

丁卯

一有年字

及第謝恩奉

一作崇

天門

禁柳青青白玉橋無端春色上宮袍卿雲五彩中天見

聖澤千年此日遭虎榜姓名書綵

一作勅

紙羽林冠蓋

一作

帶豎旌旄朝回龍尾

一作承恩朝罷

頻回首玉

一作午

漏花深紫

殿高

賜恩榮宴

內侍傳宣下玉京四方多士被

一作預

恩榮宮花壓帽金

牌重舞妓當筵翠袖輕銀甕春分官寺酒玉杯香賜御

厨羹小臣涓滴皆君賜

一作澤

惟有丹心答聖明

西宮春日與吳錦衣賦

九重春色

一作五采

金銀闕冠帶將軍盡羽林上苑春鶯隨

柳轉西宮午漏隔花深天開閭闔收金鎖簾卷奎光

一作

章

聽玉音白髮儒臣賣詞賦長門應費萬黃金

京城春莫

一作日

三月京城飛柳花燕姬白馬小紅車旌旗日暖將軍府

絃管春深宰相家小海銀魚吹白浪層樓珠酒出紅霞

塞驢破帽杜陵客獻賦歸來日未斜

丞相出獵

一作燕將軍出獵將

將軍一戰山河定雲漢昭回玉樹

一作帳

高柳外解鞍春

洗馬月中飛箭夜鳴鵬呼鷹走狗清時樂斬將拳旗舊

日勞白面內

一作宦

官催賜酒漢庭不數霍嫖姚

次韻送虞伯生

一作先生

入蜀代祀

芙蓉仙掌座中低后土宵光手可齊閣

一作潤

道蹴雲衣

有辨

一作潤

蜀天漏雨石無泥岐山過馬應聞鳳陳寶停

輶莫信雞揚我

一作揚馬

大邦文物盛題詩應近草堂西

贈劉雲江宗師

一作贈劉尊師



羽人推轉阿香車童子穿松拾

一作入

翠華天上賜衣沾

雨露山中詩錦織雲霞瑤臺

一作壇

紫氣秋橫劒石室

一作

屋

丹光夜走砂擬借茅君三白鶴乘風騎到玉皇家

寓昇龍觀時吳宗師持旨先駕至大都度灤川遂

次韻賦此以寄并簡順洛先生

扈蹕千官取次行道人先踏雪泥晴關南日暖龍顏近  
嶺北風高鶴背輕丞相早行霜滑馬將軍夜宿火連營  
一年兩度經過處惟有青山管送迎

京城訪揭曼碩秘書

城中車馬多如雲，載酒問字無一人。  
碧桃花開光豔豔，硯池水暖波粼粼。  
先生楷書白晝靜，家童畫紙烏絲勻。

落花

一作紅

滿地送客去，十年不見江南春。

寄參政許可用

紫髯參政黑頭公，日日鳴珂近九重。  
花底聽鶯黃閣散，

御前剖竹

一作批鳳

紫泥封都

一作却

將筆下文章，潤散作人

間雨露，濃未信吟詩趨幕府。

一作寒霜

翠袖倚芙蓉。

寄

一有賀字

進士野仙

一作也先

不花仲實除侍儀通事舍

人

舍人楚楚好容儀玉立

一作立

清朝白玉墀紫袖窄衫花

萼遶黃金小帶荔枝垂綠旗拂柳春班卷宮漏穿花午  
仗移朝罷太平無事日芙蓉葉上好題詩

送南安鎮撫趙南山捧表西省

平生尺劔衆中師臣子肝腸天地知少壯金戈探虎穴  
太平鎧甲網蛛絲青衫白髮尊前酒紫塞黃雲馬上詩

今日又隨天表去梅花香裏立沙墀

和馬伯庸除南臺中丞時僕馳驛遠近至京復改

徽政以詩贈別

江南驛使路遙遙遠赴龍門望

一作看

海潮桂殿且留修

月斧銀河未許度星輶隔花立馬聽更漏帶月鳴珂趁

早朝祗恐淮南春色動萬竿烟雨綠相招

伯庸家有萬竿煙雨圖

元統乙亥

一有歲字

余除閩憲知事未行立春十日參

政許可惠茶賦此

一作寄詩以謝

春到人間纔十日東風先過玉川家  
紫薇書寄斜封印  
黃閣香分上賜茶  
秋露有聲浮薤葉  
夜窻無夢到梅花  
清風兩腋歸何處  
直上三山看海霞

黃河夜雨懷兀顏子方

風流俊逸四公子  
輕帽短衣過魯城  
紫陌東風閒戲馬  
綠窻明月醉聞鶯  
櫻桃花下春中酒  
沈水香回夜按箏  
獨有黃河千里客  
短篷聽雨到天明

馬上偶成

秋水芙蓉淡淡妝  
平湖昨夜有新霜  
人間女子空自好  
馬上郎君不暇狂  
十二玉樓空薄命  
三千客路儘他鄉  
上林白鴈無消息  
欲向何人寄斷腸

過孫虎臣園

洛陽花木昔如霞  
冷雨酸風盡委沙  
金谷東風只芳草  
綠窻晴日自楊花  
鶯兒老去空臺樹

一作歌榭

燕子歸來無

主家回首繁華歌舞地  
景陽宮治夜聞蛙

首聯一作將軍一去繁華

盡池館長年鎖莫霞末聯一作王氣東南已消歇景陽宮治夕鳴蛙

高郵城

一有樓字曉望

城上高樓城下湖  
城頭畫角曉鳴鳴  
望中燈火明還滅  
天際星河澹欲無  
隔水人家暗一作種  
楊柳帶霜鳬鴈起  
菰蒲短衣匹馬非  
吾事擬向煙波覓釣徒

秋夜京口

一作京口夜坐

鐵甕城頭刻漏遲  
涼霜如雪撲簾飛  
鴈聲到一作墮地夢

回枕月色滿船

一作城

人擣衣塞北將軍猶索戰  
江南遊

子苦思歸呼鷹腰箭縱圍獵  
苜蓿秋深馬正肥

遊竹林寺

野人一過竹林寺無數竹枝

一作林

生白煙江近

一作左

玉

龍埋碧草月明黃鶴下芝

一作青

田樹銜宿雨啼

一作藏

山

鵬花落春風老杜鵑何日來分雲半榻故人不用買山錢

送外舅慎翁之燕京

揚子江頭柳色濃小船春雨去怱怱青袍鐵甕龍門墻  
紫錦蒲帆鶴髮翁晉府舊臣還塞北星門嬌客卧牀東



明年亦是燕山客騎馬天街踏軟紅

同曹克明

一作克明曹生

清明日登北固山次韻

三月二日風日暖千家萬家桃李

一作李

開白日少年

一作

少年白日

騎馬過紅雨滿城排

一作滿城紅雨拂

面來共君且須飲

一作飲酒

一斗處世不必過七哀孫劉事業今

一作果

何在百

年狠

一作斷

石生莓苔

春日登北固多景樓錄奉即休長老二首

醉拍闌干起白鷗登臨不盡

一作忍

古今愁六朝人

一作文

物空

一作隨

流水三國江山獨倚樓  
禿髮涼風吹木葉孤

城落日下簾鉤  
海門不管興亡

一作前朝

事猶送春潮打石

頭

東風吹樹散晴嵐  
獨上層樓酒半酣  
拍岸潮聲來海外  
滿江山色入淮南  
當時霸主分三國  
此日吳禪老一龕  
惟有樓前舊時柳  
年年三月色如藍

還京口

黃鶴山頭雪未消  
行人歸計在今朝  
城高鐵甕江山壯

地接金陵草木彫北府市樓開舊酒南朝官柳識歸橈  
吏人莫見參軍面水宿風餐鬢髮焦

寄京口鶴林主人了即休

白頭不出城南寺枯坐蒲團笑客忙過暑葛衣渾

一作從

破碎逢秋竹院愈荒涼空山雲溼龍歸鉢古屋松低鶴  
在一作到牀遙憶題詩舊遊處夜深東壁月蒼蒼

臘盡過練湖

獨倚牙檣數客程殘年風景足鄉情寒天半夜無人語

明月滿船聞鴈聲  
雲外好山如有約  
烟中野樹不知名  
明朝烏鵲橋頭開  
應是人家出戶迎

送友之金陵

江城曉

一作積

雨開新霽行李蕭蕭去遠  
垆千古風流

一作

光

鬚毛

一作邊

白六朝山色馬頭青  
秦淮月出潮初上  
蕭

寺鐘鳴

一作聲

酒半醒莫唱當前後  
庭曲殿臺芳

一作良

草

夜

一作自

飛螢

宿曲陽仙館

一作宿茅山崇  
禧觀南塢樓

天際三峰橫紫煙山前山後盡芝田樓臺木末疑無路

雞犬雲中半是仙白石經年皆化玉青松盡

一作鎮

日只

聞泉曲林三館幽深處

一作樓地

一夜重

一作鐘

樓聽雨眠

### 姑蘓臺奉別侍御王繼學

驄馬霜臺好使君碧羅衫色透

一作繡

春雲簾垂綬帶蝦

鬚細

一作織

燭剪金釵燕尾分四海名高瞻北斗五絃調

古和南薰姑蘇臺下人無數爭看門生

一作文星

拜主文

### 吳山女道士

并序

吳山

一作武林吳山

紫陽庵浙民丁氏

一作有丁姓者

葉族為金真

一日召妻入山

一作忽召其妻

書付一作詩

四句云嬾散六十

三妙用無人識順逆兩俱忘虛空鎮長寂

一有抱一坐字

字膝而逝

一有俗謂之騎鶴化六字

尸堂尚存其妻束髮簪冠為

一有女字

道士奉

一有其字

夫尸不下山二十年

一有幾於得道神仙耶莊

姑不服論其婦十四字

一節

一有乃字

可尚也

一有婦年七十四字

姓王名守真

因賦此以贈之

一作王其姓諱守素亦浙人云登覽之餘因為賦詩

不見遼東丁令威舊遊城郭昔人非鏡中春去青鸞老

華表山空白鶴歸石竹淚乾斑雨在玉簫聲斷綠雲飛

洞門花落無人埽

一作  
迹

獨坐蒼苔補道衣

丁號  
野鷄

崔鎮阻風有感

逆風吹河河倒行阻風時節近清明南人北人俱上塚

桃花杏花開滿城雖云少年

一作  
年少

慣作客便覺此日難

為情河魚春

一作  
却

酒不

一作  
亦

足醉賴有同舟

一作  
船

好弟

兄

三衢馬太守昂夫索題爛柯山石橋

洞口龍眠紫氣多登臨聊和采芝歌爛柯仙子何年去

鞭石神人此地過烏鵲橫空

一作橋

秋有影銀河垂地水

一作夜

無波遙知題柱凌雲客天近應聞織女梭

和參政王繼學海南初還韻

飄零南北與東西倦鳥投林未許棲燈下冷風山鬼到

一作嘯

嶺南春雨竹鷄啼炎天海國瘴煙

一作雲

合深夜蠻

鄉客語低昔日持書烏府上五花驄馬鑿霜蹄

題劉渙中司空

一有山字

隱居圖



放光山

一作峰

下結茆廬光照山人夜讀書童子抱琴隨

白鶴鄰翁看竹借籃輿門前秋葉

一作景

從風埽屋後春

田帶雨鋤自笑

一作歎

天涯倦遊客十年未有一廬居

九華山

一有題字

石墨

一作潭

驛

馬上行人思

一作看

九華飄飄高興滿

一作神倚

天涯排空峭

石生玄筍落日奇峰掛赤霞仙掌九秋傾

一作擊

露肩天

河半夜礙星槎雲中五老應招手呼我

一作喚客

來遊太乙

家

至龍潭驛

野草山花知姓字  
人生踪跡似浮萍  
帆衝細雨空江白  
鳥沒長淮遠樹青  
今夜故人離水驛  
明朝別酒盡沙瓶  
怱怱又入丹陽去  
莫鼓晨鷄已候聽

鳳凰臺為御史大夫易繹董公同賦

六朝歌舞豪華歇  
商女猶能唱後庭  
千載

一作古

江山圍

故國幾番風雨入  
空城  
鳳凰飛去梧桐老  
燕子歸來楊柳青  
白面書生空弔古  
日陪驄馬繡衣行

鳳凰臺懷古

鳳凰一去不復返  
竹實桐花空滿庭  
莫雨樓臺連野寺  
秋風鼓角動邊城  
水邊萬井吳煙白  
天外三山楚樹青  
不見騎鯨李公子  
幾回惆悵此中行

遊鍾山感興

驄馬穿松

一作雲

到上方南巡輦路  
碧苔荒禪僧白首

一作

畫

看行殿山鬼黃昏避御牀  
雲冷夜無龍在鉢  
日長時有虎巡廊  
小桃十月開如錦  
猶帶前朝雨露香

遊鍾山遇雨

虎踞龍蟠翠作堆，竹輿高下路縈回。  
潮聲萬壑松風過，雲氣滿樓山雨來。  
梁武廟前山草合，荆公墓下野花開。  
百年感慨成何事，且盡生前酒一盃。

李清菴見過

一作清菴  
攜酒訪

采石仙人攜酒來，病懷

一作顏

今日

一作始

為君開，何人更

有八十歲與子須

一作志

傾三百盃。金縷歌殘，銀燭短錦

袍。醉倒玉山，顏明朝酒醒重相見，杖屨江村看臘

一作早

梅

和馬昂夫登樓有感

一作層樓感舊

倚遍闌干憶往年南朝民

一作大

物已蕭然空遺故國山

如畫依舊長江浪拍天市井笙歌今漸少御街燈火夜

相連青青門

一作樓

外秦淮柳幾度飛花送客船

和馬昂夫

一有雜詠二字

賞心亭懷古

景陽宮井綠蕪深空有楊花暗御林一自朝雲歸寺裏

幾回明月到樓心陳臺露冷蛩聲苦楚水波寒鴈影沈

白髮詞臣多感慨長歌對酒向誰斟

次王本中燈夕觀梅

翠禽偷夢出南園綽約冰姿傍綠尊  
冰鏡玉釵浮翠影風簾銀燭照妝痕  
粉香微潤無人見素質多寒藉酒溫  
不似海棠春睡去西樓月落已黃昏

遊崇禧寺有感

一作再過鍾山大崇禧萬壽寺有感

紫翠雲中出雨堂

一作煙霞出上方

老僧揮淚

一作遊人登覽憶先皇

赤闌相映苔花落

一作石闌空見巖花亂

翠輦不來山路荒此日

山河

一作風雲

消王氣舊時草木識

一作染

天香夜深行殿無

人到應有山雲

一作靈

護御牀

### 秋日登石頭城

登臨未惜馬蹏遙古寺秋高萬木

一作葉

彫廢館尚傳陳

後主斷

一作新

碑猶載晉南朝年深輦路埋花徑雨壞山

牆出翠翹六代興亡在何許

一作虞

石頭依舊打寒潮

### 三益堂芙蓉

斑簾十二卷輕碧秋水芙蓉隔畫闌繡

一作綵

扇搖

一作迎

風霞透影錦袍弄月夜一作酒生寒湘魂翠袖留江浦仙

掌紅雲溼露盤只恐淮南霜信早絳紗籠燭夜深看

再遊崇禧寺

野人再到城南寺臨水芙蓉次第開新酒瓦盞青映竹  
舊題石壁綠封苔夕陽半嶺牛羊下秋色滿天鴻雁來  
獨有一作上新亭天地闊不須揮淚灑蒿萊

遊清溪道院

舊遊淮水東邊月

一作晚涼喜見城東月

高照昇龍

一作西鄰

道士家



丹竈火光穿樹木  
石壇幡影走龍蛇  
蝦鬚卷夜收雲氣  
仙掌擎秋瀉露華  
天外松風吹鶴夢  
一作倚杖扣門驚鶴睡  
珂珮隔青霞  
珊珊

和張仲舉清溪夜行

溪上人家溪樹青  
溪行野客思冥冥  
月光蕩水遊魚出

屐齒穿沙

一作花

宿鴈

一作鳥

醒蔓草古陵神道沒  
楓林夜

火鬼祠靈後庭遺曲  
依然在商女能歌不忍聽

送訢上人笑隱住龍翔寺

一作寄賀天竺長老訢笑隱名住大龍翔集慶

寺

江一作東

南隱者人不識一日聲

一作才

名動九重地溼厭

看天竺雨月明來聽景陽鐘衲衣香暖留春麝石鉢雲

寒卧夜龍何日相從陪杖屨秋風江上採芙蓉

是詩領聯原作

地溼厭聞天竺雨月明來聽景陽鐘他日虞文靖公見之曰詩信佳矣但有一字不穩聞與聽字義相同盍改聞作看唐人林下老僧來看雨又有出者矣天錫歎服

### 九日登石頭城

九日吟鞭聚石頭翠微高處倚晴秋西風不定雁初度

落木無邊江自流  
兩眼欲窮天地觀  
一盃深護古今愁  
烏臺賓主黃華夏  
未必龍山是勝遊

偕廡公亮遊鍾山

十里松風吹酒醒  
馬頭雲氣碧崢嶸  
空中落葉時

一作疑

聞雨古塔疎林夜

一作不

見燈勝地難逢  
今日會舊遊却

記向年曾使君五老峰前去  
應有新詩寄病僧

金陵道中題沈氏壁

煙樹雲林半有無  
野人行李更蕭疎  
堠長堠短逢官馬

山北山南聞

一作聽

鷓鴣萬里關河成傳

一作客

舍五更風

雨憶呼盧

一作吾廬

寂寥一點寒燈底

一作在

酒熟隣家許夜

酤

送王真人北上代劉宗師

一作送王習靈  
新授宗師朝京

玉珮丁東

一作珊珊

下界聞天風吹動碧霞

一作榴

裙劉郎跨

鶴遊山島王子吹笙

一作簫

到五雲洞府

一作花洞

夜光

一作深

傳玉印石壇月黑禮茅君若逢天上吳夫子應問

一作有

丹砂練幾

一作肯我分

昇龍觀夜燒香印上有呂洞賓老樹精

蘭風吹動呂仙影老樹槎牙吐莫秋夜靜藥鑪丹火現  
月明神劒夜光浮已知浩氣無窮盡不到心灰未肯休  
鐵笛一聲吹雪散碧雲飛過岳陽樓

寄中臺王本中

王郎楚楚金閨彥五鳳樓前看鬪鷄花外漏傳銀箭午  
日邊班退紫宮西吟詩月白傾搖一作盤露歸馬春紅踏

錦泥應念棲遲江海

一作左

客破窻燈火雨淒淒

送僉事王君實之淮東

使君臘月揚州去東閣梅開雪亞枝淮上有官皆避馬  
竹西無處不題詩春風楊柳平山路夜月瓊花后土祠  
從此公餘多勝境好傳佳句遠人知

送劉

一有子  
謙二字

照磨之桂林

一作  
廣西

一官未厭馬蹏遙要使南荒識鳳毛幕府紅蓮開白晝  
轅門碧草映青袍牙旗曉溼蠻煙重羽箭宵鳴嶺月高  
努力平徭當第一剖符懸印賜勲勞

層樓晚眺

廣寒世界夜迢迢醉拍闌干酒易消河漢入樓天不夜

一作雨

江風吹月海初潮光

一作影

搖翠幕金蓮炬夢斷涼

雲碧玉簫休唱當時後庭曲六朝宮殿草蕭蕭

同吳郎飲道院

三月江南飛柳花松間童子臉如霞旋酤采石仙人酒

來訪

一作醉

山陰道士家落

一作西

日下城人影散東風吹

馬帽簷斜吳郎今夜孤舟

一作瓜洲

渡回首江心

一作頭

月半

滿一作沙

送約上人歸宜興湖狀寺

雲水上人歸興忙  
棕鞵蒲扇葛衣涼  
過湖就得鄉船便  
入寺行穿茶樹香  
曉趁鐘聲持木鉢  
夜隨燈影認禪牀  
定回却憶潛龍地

一作處

曾住西廊第幾房

憶觀駕春蒐

一作遊

二首

并序

天歷元年京口錄事叅軍某以事留京觀駕春蒐盛  
事也得詩一聯聊委之其年三月還京歲暮卧病寒



食攤鑪追思前聯足成二律時天歷二年三月也

簫韶風細入清虛日暖旌旗卷復舒雙鳳曉開金雨箭

一作翅扇

六龍春駕紫雲車將軍斜掛黃金虎丞相低垂錦

一作懸帶

魚遙想金

一作宮

盤珠露滑江南渴殺病相如

日奏雲間紫鳳簫

一作韶

春隨天上赭黃袍仗前虎將千

斤斧架

一作馬

上鷹兒五色絛獵士開弓黃犬疾宮官擊

鼓紫駝高侍遊亦有中書令七寶雕盤

一作籠

看綠毛

上京雜詠五首

白晝

一作一派

簫韶起半空水晶行殿玉屏風諸王舞蹈千

官賀高

一作齊

捧蒲萄壽兩宮

沙

一作上

苑棕毛百尺樓天風搖曳錦絨鈎內家宴罷無

人到面面珠簾夜不收

涼

一作行

殿參差翡翠光朱衣華帽宴親王紅

一作繡

簾高

齊

一作

卷香

一作薰

風起十六天魔舞袖長

中官隊伍等

一作作隊道

宮車小樣紅靴踏軟沙昨日官家

清宴罷

一作昨夜內

御羅輕

一作涼

帽插珠花

院院燒燈

一作翻經

有咒僧垂簾白日

一作畫

點酥燈上京六

月涼如水人

一作酒

渴天瓢

一作厨

更賜冰

京城春日

一作立春

燕姬白馬青絲韁短鞭

一作衣

穿袖銀燈光御溝飲馬重

一作不

回首貪看

一作柳

楊花飛過牆

寄奎章學士濟南李漑之

山東李白似劉伶投老歸來酒半

一作未

醒天下三分秋

月色二分多在水中

一作心

亭

興聖寺即事二首

宮階白日杏花落深院  
朱簾燕子飛回首人間春又老  
將軍白馬幾時歸

御厨香動晚分羹  
七寶玻璃拌承白面內官呼小字  
隔簾傳旨賜中丞

遊會仙宮

霏霏涼露溼瑤臺  
半夜吹簫月下來  
山外春風將雨過  
滿庭撩亂碧桃開

燕山客舍

落日

一作月

西山

一作意

聞禁鐘夢回遠客在盧

一作立雲

龍江

南飛盡千株雪孤負梅花過一冬

題范陽驛

長路風寒酒力醒馬頭歲月短長亭凍雲欲雪風吹散  
望出西山一半青

余與觀志能俱以公事赴北舟至梁山泊時荷花  
盛開風雨大至舟不相接遂泊蘆葦中余折蘆

一葉題詩其上寄志能

題詩蘆葉兩斑斑底事詩人不奈閒滿浦

一作樂

荷花開

欲遍客程五月過梁山

彭城雜詠

一有呈蘆公亮  
漁事六字

四首

城下黃河去不回四山依舊翠屏開無人會

一作念

得登

臨意獨上將軍戲馬臺

雪白楊花拍馬頭行人春盡過徐州夜涼

一作深

一片城

頭月曾照張家燕子樓

黃河三面遶孤城，獨倚危闌眼倍明。  
柳絮飛飛三月暮，樓頭猶有賣花聲。

歌扇春

一作搖

風吹酒香舞裙落

一作今

日動鵝黃柳邊今

夜孤舟發水遠山遙空斷腸

題淮安壁間

一作初夏  
淮安道中

魚蝦潑潑

一作鱗鱗

初出網梅杏青青已著枝滿樹嫩晴春

雨歇

一作幾樹棠  
花初著雨

行人四月過淮時

夜過白馬湖

春水滿湖蘆葦青  
鯉魚吹浪水風腥  
舟行未見初更月  
一點漁燈落遠汀

與弟別渡淮

一作九日渡淮  
遇東南順風

二首

青旗紅字映河濱  
九日人家物色新  
渡口客船爭貰酒  
斫魚裂紙賽江神

東南風送渡淮船  
過雁聲哀

一作寒

水拍川

一作接天

落日淡

一作紅

霞收未盡又隨明月蕩秋天

一作澹雲微  
月出東邊

清涼亭衰柳



清涼亭上幾株霜

一作柳

脫葉難遮夕照光

一作霜葉涼風漏夕陽

依舊明年二三月小童

一作金

山下

一作看鵝黃

宣化江

一作瓜洲

阻風

渡口無人上野航白頭巨

一作危

浪自衝撞東風三日不

肯住吹送楊

一作柳

花飛渡江

夜發龍潭二首

孤舟一夜發龍湫水逆風回上石頭暫泊沙洲過夜半

卧聽鐘鼓是昇州

船頭夜靜天如水渡口潮平月在江燈影搖波風不定  
老龍吹浪濕篷窗

江浦夜泊

千里長江浦月明星河半入石頭城棹歌未斷西風起  
兩岸菰蒲雜雨聲

金陵道中遇雨寄功夫父光國

夾道長松風聒聒滿溝亂石水泠泠斷雲銜雨溪南去  
失却長山一半青

贈彈箏者

銀甲彈冰五十絃  
海門風急鴈行偏  
故人情怨知多少  
揚子江頭月滿船

次程宗賜二首

一冬雨雪天涯客  
千里雲山馬上詩  
記得小紅樓畔夢  
杏花春雨早寒時

揚州正月雨如絲  
江上梅花已盡時  
誰識能詩老何遜  
曉寒明鏡撚吟髭

贈答來復上人

手持一鉢走京華乞食王侯宰相家今日歸來如作夢  
自鋤明月種梅花

冶城三月晦日

雨前雨後鶯亂啼城南城北花交飛江南兒女裁苧衣  
燕京遊子何時歸

句容道中遇雪

何處吳姬壓酒家短衣匹馬路盤斜東風不識陳宮恨

一路吹開玉樹花

春日偶成

踏馬

一作雪

歸來過早春空階已見草如茵

一作沈沈臺  
府隔紅塵

東風吹綠青溪柳馬上輕寒不著人

鎮江寄王本中臺掾

梅花落盡空吹笛正月半頭思遠人兩岸好山青不斷  
一江微雨鷓鴣春

偶成

買魚沽酒消長日高樹秋風燕子閒却憶天南望天北  
隔江青處是誰山

層樓即事

浴罷焚香掃閣眠過牆新竹翠娟娟半空雲氣層樓暗  
四月江東欲雨天

秋夜聞笛

何人吹笛秋風外北固山前月色寒亦有江南未歸客  
徘徊終夜倚闌干

紫陽

一有觀字

道士馮及直與余同宿菡閣次日予過元符宮

友直同僧安上人入

一作過

五雲觀因以寄之

一作寫詩贈友直

道人採藥出山遲  
菡閣秋高

一作寒

襲雨衣半夜忽聞秋

鶴唳

一作語

五雲相伴一僧歸

題呂城葛觀

呂公城下葛仙家  
洞府春深鎖暮霞  
過客不知天畔月  
小風吹落鳳仙花

和金子仁

一作戲友人

毗陵公子醉黃昏

一作醺醺

白面迎風散

一作向

酒痕幾度小

紅樓畔

一作上

月有人吟倚

一作銀燭

掩重門

去吳留別千壽道陳子平諸友

一尊判袂闔閭城莫指青山管送行芳草綠波千萬里

不聞杜宇也傷情

入閩過松陵

一作過平望驛

和一有御史二字

王伯循所題

一作題壁

廣陵城裏別怱怱一去三山隔萬重日暮江東寄相憶

欲從

一作臨

秋水翦芙蓉



同張伯羽過

一作遊

凝神菴因觀宋高宗所賜蒲衣

道士張達道白羽扇

晴日赤山湖水明湖中山影一眉青蒲衣道士無人識

羽扇年年

一作多

落鳳翎

釣臺夜興

仙茶旋煮桐江水客火

一作坐客

遙分石壁燈風露滿船山

月上夜涼

一作深

獨對釣臺僧

題竹院壁

門外好山青入戶階前芳草綠侵簾  
山僧應笑遊人醉  
頭上花枝壓帽簷

道過贊善菴

夕陽欲下少行人綠遍苔茵

一作路  
葉蕭蕭

路不分修竹萬竿

松

一作  
秋

影亂山風吹作滿窓雲

過浦城

人家雞犬隔癡嵐城郭微茫見塔尖  
一片輕雲籠馬首  
熟梅時節雨纖纖

畫

樹色濃堪掬，癡嵐撲雨秋。  
道人巖下住，屋角挂奔流。

題畫

已上雁門集

綠樹陰藏野寺，白雲影落溪船。  
遮却青山一半，只疑僧

舍茶烟

題茶陽驛飛亭

白雲飛出山，怒壁蒼峽裂。  
幽谷溼晴雲，絕壁灑飛雪。  
萬折入滄海，龍宮水晶闕。  
簸揚弄珠人，冰簾挂寒月。

將至大橫驛舍舟乘輿莫行

山行日已暮肩輿度林薄涼颼淒以清松子當面落千  
山月崔嵬萬葉雨蕭索昨夕擢歌行頗憶溪上樂

題四時宮人圖四首

紫宮風暖百花香玉人端坐七寶牀鳳凰小架懸夜月  
一女侍鏡觀濃妝背後一女冠烏帽茶色宮袍靴色皂  
手持團扇不動塵一搦香彎立清曉一女淺步腰半駝  
小扇輕撲花間蛾淡陰桐樹一女立手抱胡牀眼轉波

牀頭細鎖懸金鍾  
白鶴雙飛花影重  
詞人見此神恍惚  
巫山夢裏曾相逢

金猊吐煙清晝長  
美人坐倚白玉牀  
藍衫一女髻垂耳  
手持方扇立坐傍  
一女最小不會妝  
高眉短髮輝漆光  
玉纖綠筍握金剪  
柳下輕挽宮人裳  
金盤玉甕左右列  
紅桃碧藕冰雪涼  
冰壺之傍立一女  
背後隨以桑白羊  
手拱金瓶瀉水忙  
酒翅灑雪驚鴛鴦  
鴛鴦得水自雙浴  
美人抱膝空斷腸

盆池露冷荷半枯碧波風細雙遊魚美人坐此碧玉椅  
屏山方案碧蟾蜍椅後二女執纓立案前二女嬌滴滴  
大女手扶小女腰小女嬌倚大女膝涼風入樹落翠槐  
秋深不見羊車來金鈴響處吠黃犬美人笑托芙蓉腮  
錦屏三面圍繡牀沈香椅上鳳褥光美人端坐袖雙手  
臨眉半蹙愁夜長椅後一女搖白羽一女執一作批纓更  
回顧一女烏帽金縷衣玉指纖纖攜小女小女手挽大  
女腰笑看孔雀雙翠翹一作金翠毛可憐美人獨自坐翠竹

雪響風前梢

鴈門集止載此  
首題作仕女圖

補闕歌

錢塘三日風雨急古銅夜光飛霹靂是知神物出人間  
猶帶吳宮土花碧玉橋素練懸銀河支機女兒飛鳳梭  
蝦鬚風輓亂纖影春水日晴生潮波破窻冷硯留不得  
零落江南酒家客狂歌索酒仰面歌誤擊紅籌唾壺裂  
何人進入蓬萊客銀屏碧幕珠簾重此生補闕亦何用  
玉龍瀉水流芙蓉

送馬伯庸子之京

欲晴不晴天氣慳欲別不別人語難丈夫意氣自磊落  
握手一笑心與肝南宮子弟吐金縷何必尊前花解語  
樹搖晚翠下風涼燭落春紅剪秋雨高歌痛飲如有神  
醉吐不惜車中茵明朝送子上船去回首江南江北人

曉起

烏鴉啞啞霜樹晴紙漣潑眼春雪明野人卧病睡方起  
官街踏踏聞馬行矮窻小戶坐終日煮茶繞坐松風生



明朝呼兒刷駿馬出門一笑青天橫

賡覆字韻

朔風吹帳滅前燭將軍夜擁貂裘宿玉闕飛雪入紫宮  
白髮孤臣守金屋近思往事良可悲世事擗捩多反覆  
古來宮殿說咸陽落日猿嘯挂枯木

為九江方七高賦

匡廬山中有佳士讀書結屋青雲松碧窓夜影紫翠動  
落日照見香爐峰窺燈夜壁山鬼過采蘭東徑仙人逢

危簷墮雪聽風竹古寺隔巔聞煙鍾每思幽絕動歸興  
歲晚落葉迷行蹤扁舟何日過湖口分我半壁青芙蓉

曉上石壁灘

龍溪三月人上船十里五里灘聲喧浪花飛雪灑石壁  
船尾落月傾金盤越兒卧篙頭刺水露重布帆風不起  
近山鍾動石樓中隔水鷄鳴煙樹裏過江日日水與山  
詩人得趣如得官白雲遙在太行北何日歸舟下石灘

越溪曲

越溪春水清見底石罅銀魚搖尾尾船頭紫翠動清波  
俯看雲山溪水裏誰家越女木蘭橈  
語雲墮耳溪風高  
采蓮日莫露華重手滴溪水成蒲葑盈盈隔水共誰語  
家在越溪溪上住蛾眉新月破黃昏雙槽如飛剪波去

溪行中秋翫月

并序

余乃薩氏子家無田囊無儲始以進士入官為京口  
錄事長南行臺辟為掾繼而御史臺奏為燕南祭閣  
官歲餘遷閩海廉訪知事又歲餘詔進河北廉訪經

歷皆奉其母而行以祿養也後至元三年八月望舟泊延平津是夕星河燦然天無翳雲月如白日溪聲潺湲若奏樂四山環抱如拱如立如侍左右奔走執事者薩氏子奉母坐船上與其婦具酒肴盤饌奉觴上壽繼而若妹若姊若婢若僕以次而進和而不褻謹而怡怡月色蕩酒而溪韻雜笑談母懽甚至舟人醉飲亦相與鼓枻作南歌而樂今夕何夕不知奉親之在異鄉也嗟夫昔人所謂宦遊之樂不如奉親之

樂實天樂也薩氏子於是命婦盥爵滿酒以再拜為母

壽而作歌曰

按干尚書雁門集序稱天錫自御史臺先遷京口擢閩憲幕與此自叙前後稍

殊尚書與天錫同時不應有誤豈天錫

自京錄事再官燕南然後遷閩海耶

龍津秋水涵太虛今夕何夕光景殊皓月當鏡星貫珠

河漢倒影垂平蕪微波漾漾風徐徐新涼拂拂飄裙裾

阿母今年八十餘清晨理髮雲滿梳起居儼重天人如

有子在官名在儒奉母祿養南北區晨昏不忍離斯須

荆楚燕趙閩粵吳今年去官南海隅北上天子咫尺都

官船軋軋如安車阿母坐卧襟懷舒清晨夜泊不知拏  
母在船上重褥鋪芙蓉映水搖氍毹開甕酒熟浮新蛆  
秋園摘果雨剪蔬船尾曲突通行厨家鷄水鴨美且腴  
鯉鯽鮮大如江鱸奉觴酌酒前拜趨月波蕩酒如浮酥  
子為母壽婦壽姑阿姊次進偕壻夫酌獻亦及婢與奴  
熙熙春盎無親疎行禮有節俱歡娛阿母笑語情愉愉  
有婦右策兒左扶舟人醉飽從歡呼鼓柁節歌聲鳴鳴  
四山疊翠開畫圖溪瀨漱石如笙竽雙壺酒盡村可酤

盤饌狼藉溪可漁人生此樂更有無異鄉到處同里閭  
惟期母壽莊椿踰有子願效返哺烏作詩記實無浮譽  
至元丁丑仲秋書

黯淡灘歌

長灘亂石如疊齒前後行船如附蟻逆湍衝激若登天  
性命斯須薄如紙篙者倒挂牽者勞攀崖仆石如猿猱  
十步欲進九步落後灘未上前灘遭上灘之難難於上  
絕壁雖有孟賁難致力灘名况復呼黯淡過客攢眉增

歎息下灘之舟如箭飛左旋右折若破圍歡呼踏浪櫂  
歌去晴雪灑面風吹衣飛流宛轉亂石隘奔走千峰如  
馬快賈客思家一夕還傳語灘神明日賽下灘之易易  
如盤走珠瞬目何可停斯須長風破浪快人意朝可走  
越莫可吳迺知逆順有如此逆者悲愁順者喜請君聽  
我黯淡歌順則流行逆須止順者不必喜逆者不必愁  
人間逆順俱偶耳且得山水從遨遊

雲際感興



昨日登芝峰  
茲晨陟雲嶺  
俯視城中居  
萬瓦落深井  
風露灑灑生  
秋寒飛泉落  
澗聲潺湲筍  
輿軋軋度  
修竹石蘭曲  
曲躋層巒  
層巒絕頂天  
尺五我欲排  
雲擊天鼓九  
關虎豹不須  
驚吐膽開心  
見天語天鼓  
不可擊天門  
何日閒請君  
聽我紫芝曲  
手招白雲歸  
去來

繡鞵

羅裙習習春風輕  
蓮水帖帖秋水擎  
雙尖不露行復顧  
猶恐人窺針線情  
縹雲隱映籠新月  
花影依稀襯香頰

彩鳳將翔相顧飛鴛鴦謾語愁丹裂落紅溼透胭脂  
半幅凌波翦秋水莫教踏破浣溪沙溼重東風擡不起

枯荷

紅雲一夢何茫茫綠縈瘦骨擎欲僵愁多有魂弔秋水  
故池日夜淒新霜鴛鴦相顧魂已泣白魚起身銀尺立  
堂中書客感秋風一片青衫和淚溼

春別

花氣壓簾愁不埽細雨潸潸長芳草玉釵燕尾翦春寒

坐惜流年鏡中老東風吹柳人不知春嬌滿眼顰雙眉  
吳松錦字夢中得曉來月落聞烏唬南園日暖蝴蝶醉  
香霧熏人海棠睡朱門小立蹴金蓮落紅起作離人淚

征婦怨

有柳切勿栽長亭有女切勿歸征人長亭楊柳自春色  
歲歲年年送行客一朝羽檄風吹煙征人遠戍居塞邊  
轉轉車馬去如箭錦食繡枕難留戀黃昏寂莫守長門  
花落無心理鍼線新愁暗恨人不知欲語不語顰雙眉

妾身非無淚有淚空自垂雲山煙水隔吳越望君不見  
心愁絕夢魂暗逐蝴蝶飛覺來羞對窗前月窗前月色  
照人寒遲遲鐘鼓夜未闌燈闌有恨花不結妝臺塵慘  
恨班班半生偶得一錦字道是前年戰時苦一朝五杵  
煙藪除腰間斜挂三珠虎妾心自喜還自驚門前忽聞  
凱歌聲錦衣繡服歸故里不思昔日別離情別離之情  
幾青草鏡裏容顏為君老黃金白壁買嬌娥洞房只道  
新人好

題二宮人琴壺圖

行雲留影雪弄香藕絲織翠芙蓉裳春風拂拂蘭蕙芳  
金殿不鎖雙鴛鴦冰弦素手彈鳳凰玉壺投矢聲玎璫  
花落無人春寂寂侍女空抱琵琶泣誰知絕代有佳人  
不解傾城與傾國笙歌別院留春住嬋娟千古蛾眉妒  
却笑長門閉阿嬌黃金好買相如賦

送景南彥上人歸江西

登高傷遠別鴻雁幾行飛萬木江頭落一僧船上歸故

山秋嶂遠殘日晚鐘微亦有同袍者多應候竹扉

偕趙逢吉避暑石頭城日莫余歸逢吉留宿山中

次日寄逢吉并長老珪白巘

竹下一僧坐城頭獨客還星河下平地風露滿空山犬吠松林外燈明石壁間故人借禪榻心共白雲閒

九月七日舟次寶應縣雨中與天與弟別

解纜不忍發船頭雨濕衣汝兄猶是客吾弟獨先歸行役關山遠虛名骨肉稀如何淮上雁不作一行飛

送南臺從事劉子謙之遼東

往復一萬里嗟君已兩行朔風吹野草寒日下邊城策  
馬犯霜雪逢人問路程歸期在何日應是近新正

登烏石山仁王寺橫山閣

千尺青蓮座煙霞擁地靈山川幾緬履日月兩浮萍鳥  
沒天垂海龍歸水在瓶深堂說法夜應有石頭聽

寄石民瞻

京口石彭澤詩懷似鶴形蒼天容老健白髮照江清夜

鼎薰鷄舌秋袍織鳳翎醉扶綠玉杖應望石頭城

題舊縣驛

高樹日停午斜飛燕子風一身千里外孤館萬山中作  
客辭家久聞人問歲豐村村桑柘柳羸馬厭西東

寄王御史

御史傳天語飛霜到海垠浙江潮似雪閩土臘如春孤  
客見明月亂山愁遠人何時動歸興家有白頭親

山中懷友二首

此詩又見  
黃晉卿集



自是麒麟種卑棲又幾年故廬南雪下短褐北風前歲  
莫山林瘦天高雨露偏惟應丈夫志未受故人憐  
卓犖恒山秀相逢幾抱琴五年風雨別四海弟兄心嶺  
外梅花遠山中桂葉深定知嵇叔夜高興滿雲林

溪行中秋望月

去歲南閩客今年此日還中秋八月半一水萬山間皓  
月飛圓鏡迴流轉曲環攜家共清賞何異在鄉關

遊梅仙山和唐人韻二首

絕頂尋仙跡寒泉照病容樓鶯多種竹愛鶴莫移松丹  
藥人來乞山粳手自舂秋深霜葉滿麋鹿日相逢

仙人不可見借鶴過仙家夜卧千峰月朝餐五色霞祠

空風埽葉人去鹿銜花歸隱知何日分鑪學鍊砂

胡元瑞詩

義云天錫誦法青蓮如海嶂連雲起江湖入市流故廬  
南雪下短褐北風前夜卧千峰月朝餐五色霞朔風吹  
野草寒日下邊城句格宏整  
在大歷元和間殊不多得也

舊

以下三題係和吳贊甫齋  
中十詠亦見黃晉卿集

憶昔蛟龍斂提携竟出門紅塵走馬處白日報人恩歲

月銅花澀雲烟牛斗昏淒然中夜舞回首暗銷魂

塵鏡

古鏡色如墨千年獨此留玉臺塵網暗珠匣土花浮莫  
笑塵埃滿曾令鬼魅愁螭龍今已化雲雨夢悠悠

卧鐘

龍簾久推折深埋奈爾何耕民誰睥睨野衲自摩挲雅  
奏多年歌銘文幾字訛斜陽荆棘裏長伴舊銅駝

登鎮陽龍興寺閣觀銅鑄觀音像

眼中樓觀

一作閣

見應稀鐵鳳棲簷勢欲飛天半

一作外

寶

花飄

一作開

閣道月中桂子落僧衣高擎玉露仙人掌上

礙銀河織女機全趙堂堂遺物在山川良是昔人非

臺山懷古

一作越臺懷古

越王故國四圍山雲氣猶屯虎豹關銅

一作鐵

獸暗隨秋

露泣海鴉多背夕陽還一時人物風塵外千古英雄草

莽間日莫鷓鴣啼更急荒臺叢

一作苔野

竹雨斑斑

題揚州驛

銀燭高燒照不眠  
呼兒飲馬吸清泉  
寒砧萬戶月如水  
塞鴈一聲霜滿天  
金縷欵歌來枕上  
銀瓶索酒到亭前

明朝走馬燕山道  
贏得紅樓說少年

鴈門集過廣陵驛一首云秋風江上

芙蓉老階下數株黃菊鮮  
落葉正飛揚子渡行人又上  
廣陵船寒砧萬戶月如水  
老鴈一聲霜滿天自笑樓遲

淮海客十年心事一燈前

### 四時宮詞四首

御溝漲暖綠潺潺  
風細時聞響珮環  
芳草宮門金鎖閉  
柳花簾幕玉鉤閒  
夢回繡枕聽黃鳥  
困倚雕闌看白鷗

落盡海棠天不管修眉慚一作凝恨鎖春山

日長縫就縷一作鬱金衣高柳風輕一作清拂翠眉一作絲閒

倚小樓題畫扇但聞別院笑彈碁主家恩愛有時盡賤  
妾心情無限思又向晚涼新浴罷琵琶自撥斷腸詞

宮溝水淺不通潮涼露瑤街濕翠翹天晚一作遠不聞青

玉佩月明偷弄紫雲簫正宮夜半羊車過一作近別院秋

深鵲駕遙却把閒情望牛女銀河烏鵲早成橋

悄悄深宮不見人倚門一作闌惟有一作覩石麒麟芙蓉帳

冷愁長夜翡翠簾垂隔小春天遠難通青鳥信一作風

寒欲

一作似

動白龍鱗夜

一作更

深怕有羊車到自起籠燈

照雪塵

酌桂芳庭

桂枝秋露洗銀瓶醉裏題詩記荅曾接竹池通丹井水  
隔松人誦紫珠經茶香石鼎燒紅葉酒渴冰盤破紫菱  
一帶鍾山青未了碧窓雲氣護龍亭

次韻

江南三月踏殘芳  
白苧衣輕樹影涼  
曲巷銀燈先馬去  
誰家翠袖隔簾香  
細歌金縷鳴牙板  
新酒檀槽出玉漿  
卧病日長思往事  
買舟乘興過滄浪

章貢道中

多情明月落船傍  
萬里孤城望帝鄉  
客裏已無金馬詔  
篋中猶有賜衣香  
嶺南地溼家山莫  
天上風微殿閣涼  
憶得當年曾夜直  
玉龍銀箭漏聲長

吉安道中



西風吹鴈不成行  
萬里孤舟下夕陽  
度峽冷風敲客帽  
卷簾涼月落琴牀  
江湖水滿鷗偏樂  
花柳春深馬正忙  
又看青原山色好  
故鄉歸計喜相將

采石漫興

雁門集誤作  
章貢道中

誰計將軍亡國時  
江東父老鬢如絲  
古今天塹幾千里  
南北樓船百萬師  
中國一蜚傳檄箭

一作  
箭檄

南朝漫有渡

江碑太平到處山  
如畫暖日晴風

一作  
嵐

颺酒旗

次韻登凌歊臺

山勢如龍去復迴，閒雲野望護崇臺。  
離宮夜有月高下，輦路日無人往來。  
春色不隨亡國盡，野花只作舊時開。  
斷碑衰草荒煙裏，風雨年年上綠苔。

宿青陽雲松臺

縣門遙接九華山，日日天開圖畫看。  
雲氣曉連銅篆濕，翠光晴鎖硯池寒。  
人間官府紅塵馬，天上神仙白玉盤。  
高卧雲松定何日，仰扳北斗夜闌干。

過五溪

萬壑泉聲下五溪  
小涼天氣下溪時  
相逢橋上無非客  
行盡江南都是詩  
苦雨最嫌鳩喚急  
愛山不厭馬行遲  
幾時宿向華峰頂  
露月蕭蕭生桂枝

夢登高山得詩

杖藜磴破碧崔嵬  
夢裏清遊樂未回  
萬壑泉聲松外去  
數行秋色鴈邊來  
文章小杜人何在  
風雨重陽菊自開  
山路雲深行客倦  
竹雞飛上獨春臺

復題平望驛

秋雨黃華下九天又隨歸鴈過吳川  
荒村有火夜投宿野渡無人秋放船  
中酒不堪連夜飲思家無奈五更前  
歸來却被青山笑萬丈黃塵兩鬢煙

過高郵射陽湖雜詠九首

飄蕭樹梢風淅瀝湖上雨不見打魚人  
菰蒲鴈相語秋風吹白波秋雨鳴敗荷  
平湖三十里過客感秋多野鶴如人長  
迎風理毛羽獨立秋雨涼人來忽飛去  
雨溼鼓聲重風勻湖面平官船南北去  
帆影挂新晴

白鷺愛秋水獨立仍自行得魚固偶爾驚喜亦常情  
秋水落紅衣秋波日瀟灑不見采蓮人惟逢捕魚者  
霜落大湖淺漁家懸破罾此時生計別小艇賣秋菱  
捕魚湖中水賣魚城市裏夫婦一葉舟白頭共生死

大罾一大闊小舟一葉輕相傳子與孫終古無人爭

虞琦圭齊集載過高郵五言古詩一首稍有異同附  
記於此飄蕭樹梢風漸瀝湖上雨不見打魚人菰蒲  
鴈相語秋風吹白浪秋雨鳴敗荷平湖三十里過客  
感秋多白鷺愛秋水獨立仍自行得魚固偶爾驚喜  
亦常情沙邊見漁家捕魚湖心裏夫婦同操舟白頭  
共生死破罾一大闊小舟一葉輕相傳子與孫終古

無戰

爭

病中雜詠二首

為客家千里思歸月半樓  
木犀開欲盡病裏過中秋  
病形如瘦鶴照影向秋池  
自有冲霄志游魚莫見疑

憩奉真道院

落花風颭步虛聲  
翠草玄芝爛漫生  
過客不知春早晚  
午窗晴日睡聞鶯

渡淮即事

楊花點點衝帆過燕子雙雙掠水飛  
淮上漁人閒不得  
船頭對結綠蓑衣

春詞

深宮盡日垂珠箔  
別殿何人度玉箏  
白面內官無一事  
隔花時聽打毬聲

秋詞

鴈門集  
作宮詞

清夜宮車出建章  
紫衣小隊兩三行  
石一作曲闌干畔一作  
外銀燈過照見芙蓉葉上霜

上京即事五首

大野連山沙作堆白沙平處見樓臺行人禁地避芳草  
盡向曲闌斜路來

祭天馬酒灑平野沙際風來草亦香白馬如雲向西北  
紫駝銀甕賜君王

牛羊散漫落日下野草生香乳露甜卷地朔風沙似雪  
家家行帳下氍毹

紫塞風高功力强王孫走馬獵沙場呼鷹腰箭歸來晚



馬上倒懸雙白狼

五更寒襲紫毛衫  
睡起東窗酒尚酣  
門外日高晴不得  
滿城濕露似江南

將遊茅山先寄道士張伯雨

借騎白鶴訪茅君  
琪樹秋聲隔夜聞  
料得山中張道士  
開門先埽鶴巢雲

春日鎮陽柳溪道院

城外青溪出洞門  
道人歸去日長曛  
柳花滿地無人埽

隔水遙看是白雲

將入閩趙郡崔好德求題輿地圖

月輪西轉日生東  
四海車書總會同  
騎馬出門天萬里  
山川長在別離中

阻風南露筋過羅漢寺登樓看山茶

野寺尋春酒未醒  
不知幾日過清明  
小闌干外東風急  
一樹山茶落晚晴

登姑蘓臺

閭門楊柳自春風  
水殿幽花泣露紅  
飛絮年年滿城郭  
行人不見館娃宮

蘭溪舟中

水底霞天魚尾赤  
春波綠占白鷗汀  
越船一葉蘭溪上  
載得金華一半青

黃亭驛曉起

積雨莓苔上壁青  
曉寒山館夢初醒  
鷓鴣聲裏流年度  
自是行人不忍聽

和經歷楊子承曉發山館

夢田山館月西斜  
曙色千峰動紫霞  
杜宇一聲山竹裂

鷓鴣飛上野

一作海

棠花

經歷司莫春即事

霞飛海燕拂簾過  
風卷魚鱗翦綠波  
閒倚石闌教春事

滿池紅雨落花多

題淮安王氏小樓

拂曉樓窗一半開  
樓前昨夜浪如雷  
滿江梅雨風吹散

無數青山渡水來

醉起

鴈門集  
作宮詞

楊柳樓心月滿牀  
錦屏繡褥夜生香  
不知門外春多少

自起

一作  
半醉

移燈照

一作  
看

海棠

宮詞

駿馬驕嘶嬾著鞭  
晚涼騎過御樓前  
宮娥不識中書令  
借問誰家美少年

題進士索士巖詩卷  
士巖與余同牘又同為燕南

官由翰林編修為御史臺掾兼經筵檢討除為

燕南廡訪經歷

憶昔登天府文華萃帝鄉俊才魚貫列多士鴈成行寶  
劍懸秋水驪珠耿夜光三場如拾芥一箭已穿楊上策  
師周孔蜚聲陋漢唐鳳池開御宴虎榜出宮牆賜笏丘  
山重恩袍雨露香天花皆翦翠法酒盡封黃冠蓋遊三  
日聲名滿四方歷階超宰輔捧表謝君王第甲分三館  
鐫碑立上庠曲江嘉宴會合席盡才良契誼同昆弟比

和鼓瑟簧誓辭猶在耳離思各驚腸臺閣需材器儒林  
作棟梁超遷烏府掾輝映繡衣裳迫宴封幾事平明出  
奏章日披墳典舊時念簿書忙檢討超經幄論思近御  
牀聖朝稽古道日莫下迴廊羈旅燃薪桂長吟出錦坊  
弱妻貧且病羸馬瘦仍僵窮巷迴車轍空厨泛酒漿故  
人傳奏目請便趣行裝皇極三臺重燕南各道昌承恩  
辭魏闕攬轡去恒陽曉幕芙蓉露秋空栢樹霜諸司循  
直矢羣吏肅宏綱漢水浮神馬岐山出鳳凰行頒冠獬

男已見走豺狼慚愧蓬蒿葉乘風亦下翔

石夫人

危危獨立向江濱  
四伴無人水作鄰  
綠鬢懶梳千載髻  
朱簷不改萬年春  
雪為膩粉憑風傳  
霞作胭脂仗日勻  
莫道臉前無寶鏡  
一輪明月照夫人

竹枝詞

湖上美人彈玉箏  
小鷺飛度綠窓櫺  
沈郎雖病多情在  
倦倚屏山不厭聽



題北固山無傳上人小樓

甕城春寂寂石磴草斑斑倚杖高低月登樓遠近山  
百年詩句裏三國酒杯間自嘆黃塵客來消半日閒

正覺寺晚歸贈益山長老

粥魚聲已罷日暮掩柴扉送客月在地出山雲滿衣  
燈明聞犬吠松暗見螢飛深夜長廊靜多應獨自歸

送管十班監憲除廣西宣慰使

持節曾臨江漢上分符又入瘴雲間花驄一日行千里

金虎三珠照百蠻  
露帳旌旗天接水  
星營鼓角月連山  
九重應有平搖詔  
日聽將軍奏凱還

述懷

客程去住與身違  
誤擲漁竿下釣磯  
好客不來門戶俗  
遠親相棄信音稀  
青春背我堂堂去  
黃葉無情片片飛  
遙望家山搔短髮  
故園酒熟蟹螯肥

飛鳴宿食鴈

年去年來年復年  
帛書曾達茂陵前  
影連薊北雁橫塞

聲斷江南霜滿天  
雨暗蘆花愁夜渚  
露香菰米下秋田  
平生千里與萬里  
塵世網羅空自縣

題半山寺

今日偶成林壑趣  
清幽恨未得從容  
龍歸石洞半山雨  
潮卷天風十里松  
春路泥深多滑馬  
晚樓霧重只聞鐘  
荆公舊隱知何處  
回首蒼茫第幾重

游金山

約客同游買渡船  
閒觀古剎禮金仙  
山中好景無多地

天下知名第一泉  
佛閣齊雲浮海雨  
客帆過寺帶風煙  
當年郭璞因何事  
來奠江心作浪傳

西湖絕句六首

見田汝成  
西湖志餘

湧金門外上湖船  
狂客風流憶往年  
十八女兒搖艇子  
隔船笑擲買花船

少年豪飲醉忘歸  
不覺湖船旋旋移  
水面夜涼銀燭小  
越娘低唱月生眉

紫駟驕蹋落花泥  
二月江城雨過時  
拂曉市河春水滿

小船多半載吳姬

惜春曾向吳船宿酒渴吳姬夜破橙  
驀聽郎君呼小字  
轉頭含笑背銀燈

待得郎君半醉時笑將紈扇索題詩  
小紅簾卷春波綠  
渡水楊花落硯池

垂柳陰陰蘓小家滿湖飛燕趁楊花  
繁華一去風流減  
今日橫隄幾樹鴉

次韻王侍郎遊湖

綺席新涼舞裏偏  
賞心輸與使君專  
螺盃注酒搖紅浪  
綵扇題詩染綠煙  
一鏡湖光開曉日  
萬金花氣漲晴天  
湧金門外春如海  
畫舫笙歌步步仙


紀事

見瞿宗吉  
歸田詩話

當年鐵馬遊沙漠  
萬里歸來會二龍  
周氏君臣空守信  
漢家兄弟不相容  
祇知奉壘傳三讓  
豈料遊魂隔九重  
天上武皇亦灑淚  
世間骨肉可相逢

宋吉云薩天錫以宮詞得名其詩清新綺麗自成一家大率相類惟紀事一首直言時事不諱蓋泰定帝

崩于上都文宗自江陵入據大都而兄周王遠在沙漠乃權攝位而遣使迎之下詔四方云謹候大兄之志以遂固讓之心及周王至迎見于上都歡宴一集暴卒復下詔曰夫何相見之頃宮車弗駕加謚明文宗遂即真皆武宗子也故天錫末句云然



元詩選初集卷三十五